



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

R. Abbati S. Ivliani, & I. Priori S. Gregorij Spoletani.

urn:nbn:de:hbz:466:1-20006

MVTINEN. EPISCOPO.

Epist. 13.
Temerarie ap-
pellationes non
sunt recipiendae.

Benignitate juris plurimi hodie abu-
tentes, in sui erroris defensionem
assumunt quod in gravaminum fuerat
relevationem inventum; & ut suorum
superiorum correctionem eludant, sine
causa frequenter ad apostolicam sedem
appellant: Sanè ad audientiam aposto-
latus nostri pervenit quòd quidam Cle-
rici Mutinen. diocesis turpia usurarum
lucra captantes, fornicationibus, & adul-
teriis, & aliis criminibus dediti, clerical-
lem honestatem inhonestè vivendo dif-
famant: in quos si quando canonicè ani-
madvertere fortè volueris, ad audien-
tiam apostolicæ sedis appellat. Quia
verò appellationis remedium est inven-
tum non in diffugium malignantium,
sed in remedium oppressorum, frater-
nitati tuæ auctoritate præsentium indug-
gemus ut ad talium correctionem cano-
nicam, si eorum crimina fuerint manife-
sta, omni appellatione remota, si verò
non manifesta fuerint, appellatione fru-
stratoria non obstantè procedas. Nulli
ergo &c. Datum Laterani VII. Idus
Martij.

ARGENTIN. EPISCOPO.

Epist. 14.
Ne incendiarij
& excommuni-
cati in Ecclesia
spectentur.

AD audientiam nostram noveris
pervenisse quòd in tua diocesi,
contra sanctiones canonicas & consuetu-
dinem hætenus approbatam, excom-
municati propter crimen incendij per
violentiam laicalem traduntur sepultu-
ræ ecclesiasticæ. Quia verò id redundat
in Ecclesiarum omnium & juris ecclesia-
stici læsionem, fraternitati tuæ per apo-
stolica scripta mandamus & districtè
præcipimus quatenus ex parte nostra di-
strictè inhibeas, ne qui excommunicatos
hujusmodi in cæmeterio audeant eccle-
siastico tumulare. Quòd si secùs (quod
non credimus) fuerit fortè præsumptum,
tam præsumptores quàm defensores eo-
rum in tua diocesi constitutos, monitio-
ne præmissa, usque ad satisfactionem con-
dignam excommunicationis sententia
sublato appellationis obstaculo innoda-
re procures. Quòd si nec sic à sua volue-
rint præsumptione cessare, terras eorum
subjicias sententiæ interdicti. Tumula-
tos verò, qui ob dictam causam excom-
municati, non percepto absolutionis be-
neficio decesserunt, à cæmeterio facias
Christiano expelli. Illis autem qui resi-

puerint, & condignam voluerint agere
pœnitentiam, si propter inevitabiles ca-
sus ad sedem apostolicam accedere non
valuerint, recepto publicè juramento
quòd super hoc nostro debeant parere
mandato, beneficium absolutionis impen-
das. Taliter super prædictis manda-
tum apostolicum impleturus, quòd alio-
rum culpa in pœnam tuam non de-
beat retorqueri. Datum Laterani XVI.
Kalend. Aprilis, pontificatus nostri an-
no secundo.

Vide supra lib.
1. epist. 572.

In eundem modum Archiepiscopis & Episcopis per Tentoniam constitutis.

* In codice Col-
bertiano &
Prælati.

PRIORI ET CLERICIS
sancti Petri extra portam Spoletii.

Cum inter venerab. fratrem no-
strum B. Spoletanum Episcopum
ex una parte, & vos ex altera, super
plebe sancti Brictij cum capellis suis, &
Ecclesia sancti Gregorij in Xenodo-
chio, quæ pro parte media utrinque
mutuò petebatur, & capellis sancti
Pauli de Azano & sancti Angeli de Naci,
controversia verteretur, eam dilecto fi-
lio nostro G. sancti Nicolai in carcere
Tulliano Diacono Cardinali commisi-
mus terminandam. Ipse verò, auditis
rationibus partium, & plenius intelle-
ctis, habito consilio quorundam de fra-
tribus nostris & aliorum prudentum
virorum, pro vobis sententiam de no-
stro mandato apud sedem apostol. pro-
mulgavit, quemadmodum in suis liti-
ris plenius continetur. Nos ergo sen-
tentiam ipsam, sicut rationabiliter lata
est, ratam habentes, eam auctoritate
apostolica confirmamus &c. Salvo qua-
tuor solidorum illius monetæ quæ tunc
in civitate Spoletana currebat per an-
nos singulos Episcopo memorato, quod
bonæ memoriæ M. prædecessor ejus
in prædicta plebe sibi noscitur reser-
vasse, sicut in authentico factæ vobis
donationis ab ipso reperitur expressum.
Nulli ergo &c. Datum Laterani XVI.
Kalend. Aprilis, pontificatus nostri an-
no secundo.

Epist. 15.
Quòd senten-
tiam inter ipsos
& Episcopum
Spoletanum à
Cardinali lata
confirmavit.
* In codice Col-
bertiano Geor-
gij

R. ABBATI S. IVLIANI,
& I. Priori S. Gregorij Spoletani.

Cum inter venerabilem fratrem
nostrum &c. ut supra serè in eun-
dem modum usque ad verbum continetur.
Vt autem nihil moræ vel difficultatis

Epist. 16.
Vt in possessio-
nem rei adjudi-
cate inducatur.

* Ecclesiarum

rectis dispositionibus afferatur, per apostolica vobis scripta mandamus quatenus jamdictum Priorem in corporalem prædictarum* possessionem, quæ sibi adjudicata sunt per sententiam Cardinalis, & rerum ad eas spectantium appellatione remota mittere procuretis; contradictores, si qui apparuerint, censura ecclesiastica coercentes. Quod si ambo &c. alter &c. Datum Laterani XII. Kalend. Aprilis, pontificatus nostri anno secundo.

DONATO ALADEN.

Episcopo, ejusque successoribus canonicè substituendis in perpetuum.

Epist. 17.
De privilegio-
rum confirma-
tione.

IN eminenti apostolicæ sedis specula, licet immeriti, disponente Domino constituti &c. usque ad verbum vocabulis. Locum ipsum in quo præfata Aladen. Ecclesia sita est, cum omnibus pertinentiis suis. Insulam Gedig. Corbali, Cellarloch, Senhcui, cum insula Dori, Glengallrigi, Glenech, Cellardub. Achad, Gunnig, Drognechan, Carnalmalgaid, Raith, Cæman, Cassel, Bernach cum suis pertinentiis: Dumaaisf, Imbertrach, Cillialid, Munirvadoig, Rathneogid, & Raithcerna, quæ omnia ad mensam episcopalem pertinent. Drumart, Scrinadanmani, cum pertinentiis suis. Cellbroccada, Cellcorechach, Lassariani cum Vsvavio cum pertinentiis suis. Cellmagfalgam, Cessglassi, Cellanli, & Cellnagarvan, cum pertinentiis suis. Roseric, cum pertinentiis suis. Ardomain cum pertinentiis suis. Arrdachad Vsvanig cum pertinentiis suis. Innislaig, Dorimennaianni cum suis pert. Olenaclassi, Orvidlachacon cum pertinentiis suis, & Dargavillachon cum pertinentiis suis. Maggannach, cum pertinentiis suis. Drumnanagel cum suis pert. Cellerannan, cum pertinentiis suis. Celldariuled, cum suis pert. Crosrechig, cum suis pert. Innisgluaribrandam cum pertinentiis suis. Cathir cum pert. Cellchoman cum pertinentiis suis. Dunfini cum pertinentiis suis. Cellbrigdi, cum pertinentiis suis. Lecu cum suis pertinentiis. Olechutrialacha cum pertinentiis suis. Balischriniutrialacha, Baliferini, Magneplan, Celleumin cum pertinentiis suis. Cellgoban cum pertinentiis suis. Cellalad cum pertinentiis suis. Cellcormich cum pertinentiis suis. Cellro cum pertinentiis suis. Crospatrai cum perti-

entiis suis. & Domnachinor. Prohibemus insuper ne interdictos &c. Libertates præterea &c. Decernimus ergo &c. Salva in omnibus apostolicæ sedis auctoritate, & Tuamen. Archiepiscopi debita reverentia. Si qua igitur &c. Datum Laterani, per manum Rainaldi Domini Papæ Notarij, Cancellarij vicem agentis, III. Kalend. Aprilis, indictione secunda, incarnationis dominicæ anno M CXCVIII. pont. verò Domini Innocentij Papæ III. anno secundo.

DECANO ET CAPITULO
Abrincen.

INter corporalia & spiritualia &c. ut supra in lib. primo epist. DXXXII. in literis Decano & Capitulo Andezaven. directis, ferè in eundem modum, usque ad verbum, Et quamvis factum istud ratione causarum & etiam personarum tam celebre fuerit & solenne, ut cum in partibus illis ab omnibus ferè sciretur, à vobis non potuerit vel debuerit ignorari, præsertim cum per assertionem dilecti filij magistri N. de Aquila, in Ecclesia vestra scholarum magisterium obtinentis, certificati fueritis de præmissis, & per confessionem nuntiorum vestrorum in auditorio nostro factam nobis constiterit quòd suspensio præfati electi octo diebus electionem præcesserit memoratam; vos tamen nihilominus ad Ecclesiam tunc temporis non vacantem W. Tollem. post appellationem etiam ab eodem magistro ad sedem apost. interpositam eligere præsumpsistis, contra quem multa fuerunt in auditorio nostro proposita quæ ad reprobendam ipsius electionem citra præmissa impedimenta sufficere videbantur. vel quòd primo electo nondum rite translato, se in locum ipsius tanquam viventis intrudi non debuit consentire. quod cum non fecerit, secundum canones ab ecclesiastica debuit communionem depelli; cum & contra eum esset specialiter appellatum, qui propter ignorantiam literarum, & quia de gremio non erat Ecclesiæ, nisi ejus Clericis antea reprobatis non poterat postulari; præsertim cum inter vos plerique idonei haberentur. In subscriptionibus etiam literarum vestrarum quædam repugnantia videbatur, aliis asserentibus singulos subscripsisse, aliis quòd præfatus magister scholarum causas friuolas assignando pro sua recef-

Epist. 182.
Vt propter com-
munitatem in elec-
tione prioris
vitiis, nunc
recte alium eli-
gant Episcopi.
Vide supra lib. 1.
epist. 117. 447.